



ს ა ქ ა რ თ ვ ე ლ ო ს უ ზ ე ნ ა ე ს ი ს ა ს ა მ ა რ თ ლ ო

გამარტივებული ელექტრონული ტენდერი

მაღალი ძაბვის კაბელის გაყვანა და
ელექტრომოწყობილობების მონტაჟი

კოდი 45311000.

დაფინანსების წყარო – სახელმწიფო ბიუჯეტი

სავარაუდო ღირებულება – 28 450 ლარი

ს ა ტ ე ნ დ ე რ ო დ ო კ უ მ ე ნ ტ ა ც ი ა

ს ა რ ჩ ე ვ ი

1. საკვალიფიკაციო მონაცემები ----- 3 გვ.
2. ინსტრუქცია ტენდერში მონაწილეობის მისაღებად ----- 4 გვ.
3. ტექნიკური დავალება ----- 8 გვ.
4. წარმოსადგენი დოკუმენტაციის ჩამონათვალი ----- 9 გვ.
5. სახელმწიფო შესყიდვების შესახებ ხელშეკრულების პროექტი -----10 გვ.
6. დანართი №1 - სატენდერო წინადადების საილუსტრაციო ფორმა-----14 გვ.
7. დანართი №2 – შესასრულებელი სამუშაოს პროექტი

ს ა კ ო ნ ტ ა ქ ტ ო პ ი რ ი

სატენდერო კომისიის აპარატის წევრი თემურ უშვერიძე:
ტელ: 99 09 62; 877 55 77 37; ელ.ფოსტა: temuri07@yahoo.com

1. საკვალიფიკაციო მონაცემები

საკვალიფიკაციო მონაცემები არის ადმინისტრაციული ორგანოებიდან შემსყიდველ ორგანიზაციაში წარმოსადგენი დოკუმენტები.

პრეტენდენტებმა უნდა წარმოადგინონ შემდეგი დოკუმენტები:

1.1. იურიდიული პირისათვის და ინდივიდუალური მეწარმისათვის:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.

პრეტენდენტები ვერ გაივლიან შერჩევას, თუ მათ მიერ წარმოდგენილი საკვალიფიკაციო მონაცემები, რომელთა გაცემის თარიღი არ უნდა უსწრებდეს სატენდერო წინადადების მიღების ვადის დასრულების თარიღს, არ შეესაბამებინან სატენდერო განცხადებაში და/ან სატენდერო დოკუმენტაციაში მითითებულ მოთხოვნებს.

საკვალიფიკაციო მონაცემები შემდგომ დაზუსტებას არ ექვემდებარება.

2. ინსტრუქცია ტენდერში მონაწილეობის

2.1. გამარტივებული ელექტრონული შესყიდვა, ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით. გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 (ორი) დღით ადრე.

2.2. სატენდერო წინადადების წარდგენისათვის: პირველ რიგში, მიმწოდებელი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით ელექტრონულად შესაბამის დილაკზე დაჭერით). აფიდავიტის ფორმა იხ. დანართი №1.

2.3. აფიდავიტის ტექსტზე თანხმობას შემდეგ, პრეტენდენტი ვალდებულია ჯერ წარმოადგინოს სატენდერო წინადადების უზრუნველყოფის გარანტია 2 (ორი) შესაძლო მეთოდიდან ერთ-ერთის გამოყენებით, ხოლო შემდეგ გადაიხადოს ტენდერში მონაწილეობის საფასური ელექტრონულად (სისტემის მეშვეობით).

2.4. პირველი მეთოდის თანახმად, პრეტენდენტი ბანკში იღებს სატენდერო წინადადების უზრუნველყოფის გარანტიას შესაბამის ტენდერში მონაწილეობის მიზნით, რომელსაც მოყვება აღნიშნული გარანტიის უნიკალური, ერთჯერადი გამოყენების კოდი, რაც შეეყვანის უნდა იქნას სისტემის შესაბამის სამუშაო ველში.

2.5. მეორე მეთოდი სატენდერო წინადადების უზრუნველყოფის გარანტიის წარდგენისა არის საგარანტიო თანხის დაბლოკვის მიზნით, მისი დროებით განთავსება სააგენტოს სპეციალურ ანგარიშზე პრეტენდენტის ბიზნეს ბარათის გამოყენებით.

2.6. ზემოთ მოცემული ერთ-ერთი პროცედურის დაცვით სატენდერო წინადადების უზრუნველყოფის გარანტიის წარდგენის შემდეგ, სისტემა იძლევა საშუალებას გადაიხადოთ სატენდერო წინადადების საფასური. საფასურის გადახდა ხდება იგივე წესით, როგორც ეს სატენდერო წინადადების უზრუნველყოფის გარანტიის წარდგენის მეორე მეთოდის დროს გამოიყენება.

2.7. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში აქტიურად სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. ამ პუნქტში აღნიშნული გარემოებების არსებობის შემთხვევაში, სააგენტოს თავმჯდომარე გამოსცემს შესაბამის ინდივიდუალურ – ადმინისტრაციულ სამართლებრივ აქტს.

2.8. ზემოთ აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

2.9. სატენდერო წინადადების უზრუნველყოფის გარანტია უნდა იქნას

წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ხოლო, ტენდერში მონაწილეობის საფასური შეადგენს 50 ლარს.

2.10. სატენდერო წინადადების უზრუნველყოფის გარანტია დაბრუნებას არ ექვემდებარება შემდეგ შემთხვევებში:

- ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;
- ბ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;
- გ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთის არსებობის შემთხვევაში) კანონმდებლობით გათვალისწინებულ ვადაში;
- დ) პრეტენდენტის მიერ არაკეთილსინდისიერი ქმედების განხორციელებისას.

2.11. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

2.12. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.

2.13. სატენდერო წინადადების საფასურის გადახდის შემდეგ, პრეტენდენტმა ერთიან ელექტრონულ სისტემაში აუცილებლად უნდა ატვირთოს ტექნიკური დოკუმენტაცია, წინააღმდეგ შემთხვევაში, სისტემა წინადადების წარდგენის საშუალებას არ იძლევა.

2.14. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის (ტრანსპორტირების, დაზღვევის, დ.ღ.გ.-ს და სხვა) გათვალისწინებით.

2.15. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

2.16. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

2.17. ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

2.18. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება 2 (ორი) წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

2.19. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

2.20. დამატებითი რაუნდების დასრულების შემდეგ, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

2.21. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

2.21. თუ პრეტენდენტის მიერ სისტემაში ატვირთული ტექნიკური დოკუმენტაცია არ შეესაბამება სატენდერო განცხადებასა და სატენდერო დოკუმენტაციაში მითითებულ მოთხოვნებს, კომისიის გადაწყვეტილებით ხდება პრეტენდენტის დისკვალიფიკაცია.

2.22. საკვალიფიკაციო მონაცემების წარმოდგენისათვის შემსყიდველი პრეტენდენტს განუსაზღვრავს ვადას არაუმეტეს 5 სამუშაო დღისა.

2.23. პრეტენდენტის მიერ საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოუდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია ვალდებულია მოახდინოს ამ პრეტენდენტის დისკვალიფიკაცია.

2.24. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 (ხუთი) სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

2.25. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას

განუსაზღვრავს ვადას არაუმეტეს 3 (სამი) სამუშაო დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე. ამ შემთხვევაში ხდება პრეტენდენტის დისკვალიფიკაცია.

2.26. იმ შემთხვევაში, როდესაც ხდება ყველაზე დაბალი ფასის მქონე პრეტენდენტის დისკვალიფიკაცია, შემსყიდველ ორგანიზაციას უფლება აქვს მიმართოს მომდევნო ყველაზე დაბალი ფასის მქონე პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

2.27. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას, სატენდერო კომისიას უფლება აქვს შეწყვიტოს ტენდერი.

2.28. ხელშეკრულების ფორმა და პირობები მოცემულია სატენდერო დოკუმენტაციაში ხელშეკრულების პროექტის სახით, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

3. ტექნიკური დავალება

- 3.1. ცენტრალურ გამანაწილებელ პუნქტ №4622-ში „მთაწმინდის“ ქვესადგურიდან №22 ფიდერიდან შემტან სექციაზე მდებარე უჯრედიდან მაღალი ძაბვის კაბელის ჩადება ს/ქ №A251-მდე – კაბელის სიგრძე 320 მეტრი. კაბელი უნდა ჩაიდოს არსებულ კაბელზე მიერთების ადგილამდე (№1 ქურო), რომლის მეშვეობითაც კაბელი მიუერთდება არსებულ მაღალი ძაბვის კაბელს.
- 3.2. კაბელის მარკა NA2XSEY-10 მარკა 3X95კვ.მმ. კვეთის კაბელი.
- 3.3. სამუშაოების დაწყებამდე პროექტი უნდა შეთანხმდეს მერიის შესაბამის სამსახურებთან.

შენიშვნა:

აღნიშნული სამუშაოები შესრულდეს პროექტის მიხედვით (დანართი №2) ს.ს. „თელასი“-ს ტექ. ზედამხედველობის და ხარისხის სამსახურის ინჟინრის მეთვალყურეობის ქვეშ.

ობიექტის ელექტროქსელზე მიერთება განხორციელდეს ს.ს. „თელასი“-ს მიერ გაცემული ტექნიკური პირობით გათვალისწინებული მოთხოვნების შესაბამისობის აქტის საფუძველზე.

სამუშაოს გაწვევის ვადა – ხელშეკრულების გაფორმებიდან 25 კალენდარული დღის განმავლობაში.

პრეტენდენტს არა აქვს უფლება წარმოადგინოს ალტერნატიული სატენდერო წინადადება.

4. პრეტენდენტის სატენდერო წინადადება უნდა შეიცავდეს შემდეგ დოკუმენტებს:

- ა) პრეტენდენტის სრული დასახელება და რეკვიზიტები..
- ბ) ორგანიზაციის ხელმძღვანელის სახელი და გვარი.
- გ) საკონტაქტო პირის ტელეფონის ნომერი და ელ. ფოსტის მისამართი.
- დ) ტექნიკური დავალების და პროექტის (დანართი №2) შესაბამისად, ორგანიზაციის ხელმძღვანელის მიერ ხელმოწერილი და ბეჭდით დამოწმებული სრული ხარჯთაღრიცხვა – რაოდენობის, ერთეულისა და საერთო ღირებულების მითითებით.
- ე) პრეტენდენტის შესაბამისად უფლებამოსილი პირის მიერ ხელმოწერილი ინფორმაცია სატენდერო წინადადების მოქმედების ვადის შესახებ. სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 30 კალენდარული დღის განმავლობაში.
- ვ) მსგავს სამუშაოებზე შესაბამისი გამოცდილების დამადასტურებელი დოკუმენტები.

შენიშვნა:

გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ხარჯთაღრიცხვა.

ხარჯთაღრიცხვა წარმოადგენს ხელშეკრულების განუყოფელ ნაწილს.

5. სახელმწიფო შესყიდვების შესახებ ხელშეკრულების პროექტი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2011 წელი

ერთის მხრივ საქართველოს უზენაესი სასამართლო (შემდგომში „შემსყიდველი“) წარმოდგენილი მისი საფინანსო-სამეურნეო განყოფილების უფროსის ირაკლი გოცირიძის სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.

1.3. „შემსყიდველი“ – ორგანიზაცია, რომელიც ახორციელებს შესყიდვას.

1.4. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.

2. ხელშეკრულების საგანი

2.1. მიმწოდებელი უზრუნველყოფს სამუშაოს ჩატარებას ხელშეკრულების გაფორმებიდან არაუმეტეს 25 კალენდარული დღის განმავლობაში.

2.2. ხელშეკრულებით გათვალისწინებული შესასრულებელი სამუშაოს აღწერა მოცემულია ტექნიკურ დავალებასა და პროექტში (NNS-10/3651/10), რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს _____ ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოს შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

4.1. შესყიდული სამუშაოს ღირებულების ანაზღაურება განხორციელდება **ხარჯთაღრიცხვაში მითითებული ფასების შესაბამისად**, უნაღდო ანგარიშსწორებით, სამუშაოს შესრულების შემდეგ, სააანგარიშსწორებო დოკუმენტაციის გაფორმების საფუძველზე, მიმწოდებლის მიერ მითითებული რეკვიზიტების მიხედვით.

4.2. ანგარიშსწორების ვადა/გრაფიკი – შესაბამისი სააანგარიშსწორებო დოკუმენტაციის გაფორმებიდან არაუმეტეს 7 (შვიდი) კალენდარული დღის განმავლობაში.

5. მიღება-ჩაბარების წესი

5.1. შესრულებული სამუშაოები ჩაითვლება მიღებულად მხოლოდ მხარეთა მიერ გაფორმებული სააანგარიშსწორებო დოკუმენტაციის ხელმოწერის შემდეგ. შესრულებული სამუშაოთა აქტს (ფორმა №2) ჩაუტარდება ლევან სამხარაულის სახელობის სასამართლო ექსპერტიზის ეროვნული ბიუროს მიერ

6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება. სამუშაოების შესრულებისას და/ან მისი დამთავრების შემდეგ, ლევან სამხარაულის სახელობის სასამართლო ექსპერტიზის ეროვნული ბიუროს ექსპერტის მიერ, ჩაუტაროს შესრულებულ სამუშაოთა აქტს (ფორმა №2) და გაწეულ სამუშაოს ექსპერტიზა. პროექტით გათვალისწინებულ მოთხოვნების შესაბამისობის დადგენის მიზნით

6.2. შემსყიდველი ვალდებულია:

ა) უზრუნველყოს მიმწოდებლის მიერ შესრულებული სამუშაოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით,

6.3. მიმწოდებელი უფლებამოსილია:

ა) მოთხოვოს შემსყიდველს შესრულებული სამუშაოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

ა) გასწიოს სამუშაო სათანადო ხარისხითა და სრული მოცულობით, განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში;

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი კოორდინატორთა ჯგუფი – კონსულტანტი ადმინისტრაციული შენობის ნაწილში გოჩა ხუციშვილი და კონსულტანტი სამეურნეო ნაწილში მაიზერ გიორგაძე

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად გაწეული სამუშაოს კონტროლს.

7.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა (ფორს – მაჟორი)

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს–მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება ჯარიმით – ხელშეკრულების საერთო თანხის 0,5%-ის ოდენობით ყოველ გადაცილებულ დღეზე.

11. დავები და მათი გადაწყვეტის წესი

11.1. მხარეთა შორის წარმოქმნილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1. ხელშეკრულება ძალაში შედის ----- იდან და მოქმედებს 2011 წლის ----- ჩათვლით.

მხარეთა რეკვიზიტები

შემსყიდველი:	მიმწოდებელი
საქართველოს უზენაესი სასამართლო ს/კ 203 860 508 ქ. თბილისი, ძმ. ზუბალაშვილების ქ. 32 ტელ/ფაქ: 99 09 62; 92 18 35; 877 55 77 37. ელ. მისამართი: temuri05@rambler.ru ანგარიში: სახელმწიფო ხაზინა კოდი 220 101 222 ანგარიში 200 122 900	

შემსყიდველი:

მიმწოდებელი:

დანართი №1
ს ა ტ ე ნ დ ე რ ო წ ი ნ ა დ ა დ ე ბ ა

თარიღი: -----

ვის: -----
(შემსყიდველი ორგანიზაციის დასახელება)

ვისგან: -----
(პრეტენდენტის დასახელება და მისამართი)

შევსწავლეთ რა სატენდერო დოკუმენტაცია თანახმა ვართ სატენდერო დოკუმენტაციის შესაბამისად განვახორციელოთ -----
(მომსახურების აღწერა)

გაწევა და გთავაზობთ ზემოაღნიშნულის შესრულებას შემდეგ ფასად:

----- ლარი.
(ციფრებით) (სიტყვიერად)

ჩვენი სატენდერო წინადადების გამარჯვების შემთხვევაში, ვიღებთ ვალდებულებას დავიწყოთ და დავასრულოთ მომსახურების გაწევა ხელშეკრულების პირობების შესაბამისად.

წინამდებარე სატენდერო წინადადება ძალაშია მისი სისტემაში ატვირთვის დღიდან არანაკლებ 30 კალენდარული დღის განმავლობაში.

სატენდერო წინადადებას თან ახლავს შემდეგი დანართები (გვერდების რაოდენობის მითითებით):

- 1.
- 2.
- 3.
- .
- .

(ხელმოწერა)

(თანამდებობა)

(პრეტენდენტის დასახელება)